

Hordaland fylkeskommune
Postboks 7900
5020 BERGEN

Vår dato: 19.06.2017
Vår ref.: 201207841-14
Arkiv: 312
Dykkar dato:
Dykkar ref.:

Sakshandsamar:
Helen Nathalie Liebig-Andersen
22959895/hnll@nve.no

KAMBO Energi AS – Søknad om løyve til å byggje Valdra kraftverk i Etne kommune i Hordaland – høyring

NVE har motteke ein søknad frå KAMBO Energi AS, datert 15.6.2017, om løyve til å byggje Valdra kraftverk i Etne kommune.

Valdra kraftverk vil nytte eit fall på 275 meter i Valdraelva mellom inntaket på kote 325 og kraftstasjonen på kote 50. Vassvegen leggst i ein om lag 1400 m lang nedgrave røyrgate som skal krysse Valdraelva i bro på ca. kote 120. Det er planlagd å overføre vatn frå seks bekker fram til inntaket i Valdraelva; fire bekker på sørsida og to bekker nordvest for elva. Vatnet frå sørsida av elva er planlagd overført via ei totalt 1380 m lang nedgrave røyrgate, medan vatnet frå nordvestsida av Valdra skal overførast til inntaket dels i open kanal, dels via røyr i grøft. Total lengde på vassveg er berekna til om lag 170 meter. Det er behov for noko ny veg som tilkomst til inntak og oppgradering av eksisterande veg fram til kraftstasjonen.

Middelvassføringa i Valdraelva er 564 l/s og kraftverket er planlagd med ei maksimal slukeevne på ca. 1550 l/s. Kraftverket vil i følgje søknaden produsere om lag 9,1 GWh i eit gjennomsnittleg år. Overføringane vil bidra med om lag 3,8 GWh. Utbygginga vil føre til redusert vassføring på ein til saman ca. 3360 m lang strekning i Valdraelva og dei seks bekkene. Det er planlagd å sleppe minstevassføring på høvesvis 20 l/s i Valdraelva og 2,3 l/s i den største bekkene, Grense Jakobs elv, heile året.

Det er òg søkt om løyve etter energilova for bygging og drift av Valdra kraftverk med tilhøyrande koplingsanlegg og kraftline.

Søknaden skal handsamast etter reglane i kapittel 3 i vassressurslova og gjeld løyve etter vassressurslova § 8. Søknaden skal òg vurderast etter «forskrift om konsekvensutredningar etter sektorlover». Søknaden med vedlegg vert lagt ut på www.nve.no/konsesjonssaker, og den vert kunngjort av NVE. Kopi av kunngjeringsløyve ligg ved.

NVE ber Etne kommune leggje to eksemplar av søknaden ut til offentleg ettersyn på biblioteket i Skånevik og ved Etne Tinghus fram til **4.9.2017**. Det eine eksemplaret kan, om naudsynt, lånast ut for kortare tid (2-3 dagar). Det andre må ikkje fjernast frå utleggingsstaden.

E-post: nve@nve.no, Postboks 5091, Majorstuen, 0301 OSLO, Telefon: 09575, Internett: www.nve.no

Org.nr.: NO 970 205 039 MVA Bankkonto: 7694 05 08971

Hovedkontor
Middelthunsgate 29
Postboks 5091, Majorstuen
0301 OSLO

Region Midt-Norge
Vestre Rosten 81
7075 TILLER

Region Nord
Kongens gate 14-18
8514 NARVIK

Region Sør
Anton Jenssensgate 7
Postboks 2124
3103 TØNSBERG

Region Vest
Naustdalsvegen. 1B
6800 FØRDE

Region Øst
Vangsveien 73
Postboks 4223
2307 HAMAR

Vi syner elles til vedlagde informasjonsark som forklarar sakshandsaminga frå saka vert sendt på høyring til endeleg vedtak. Av dette går det fram kva for tilbakemelding vi ønskjer.

NVE føretrekkjer at fråsegner sendast oss elektronisk via www.nve.no/konsesjonssaker så snart som mogeleg og seinast innan **4.9.2017**. I tillegg kan ein sende fråsegner per e-post til nve@nve.no eller per post til: NVE, Konesjonsavdelinga, Postboks 5091 Majorstua, 0301 Oslo.

Fråsegner eller delar av fråsegna vert referert i eit endeleg vedtak. Om fråsegna er lang, er det difor ein fordel om det utarbeidas eit samandrag som kan brukast til dette.

Med helsing

Øystein Grundt
seksjonssjef

Helen Nathalie Liebig-Andersen
overingeniør

Dokumentet vert sendt utan underskrift. Det er godkjent etter interne rutinar.

Vedlegg:

Orientering til høyringspartane

Kunngjering

Mottakerliste:

Bergen og Hordaland Turlag
Direktoratet for mineralforvaltning med Bergmesteren for Svalbard
ETNE ELEKTRISITETSLAG SA
Etne JFF v/Jan Vinje
Etne kommune
Etne Turlag
Forum for natur og friluftsliv Hordaland
Friluftsrådet Vest
Fylkesmannen i Hordaland
Hordaland fylkeskommune
Miljødirektoratet
Naturvernforbundet i Hordaland
Norges Jeger- og Fiskerforbund – Hordaland
Norges Miljøvernforbund
Norges Padleforbund
Skånevik Ølen Kraftlag SA
Statens Vegvesen - region vest



Kopi til:

KAMBO Energi AS



ORIENTERING TIL HØYRINGSPARTANE (revidert februar 2013)

Generelt

NVE er konsesjonsstyresmakt i saker som gjeld utbygging av småkraftverk (inntil 10 MW) og andre vassdragstiltak. Kongen i statsråd gir løyve til større kraftutbyggingar.

Denne orienteringa gjeld saker der NVE kan gi løyve etter vassressurslova § 8.

Handsaming av søknaden fram til endeleg vedtak

NVE handsamar dei fleste av søknadane i grupper, vanlegvis etter geografisk plassering. Dette effektiviserer sakshandsaminga samstundes som høyringspartane og NVE kan sjå søknadane i samanheng.

NVE sender søknadane på høyring til kommunar, fylkesmenn, fylkeskommunar, statlege forvaltingsorgan og interesseorganisasjonar som søknadane vedkjem. Høyringsperioden er vanlegvis tre månader for søknadar som blir handsama gruppevis, og minst seks veker for enkeltsaker. Ein eventuell søknad om utsett frist må vere grunngeven. NVE ventar at høyringspartane gir fråsegn på sjølvstendig grunnlag. Vanlegvis blir det ikkje gitt løyve til søknad om utsett frist, dersom det kan forseinke sakshandsaminga.

Søkjar får høve til å kommentere innkomne fråsegner før NVE gjennomfører synfaring. Dei som har uttalt seg i samband med høringa, blir inviterte til å delta på synfaringa. I konsesjonsvurderinga veg NVE fordelar og ulemper mot kvarandre, jf. vassressurslova § 25. Olje- og energidepartementet har som overordna politisk styresmakt gitt retningsliner for handsaming av små vasskraftverk. Desse er å finne på NVE sin nettstad: nve.no.

Dersom NVE gir løyve, blir det knytt vilkår til dette, jf. vassressurslova § 26. Vilkår vil omfatte mellom anna vasslepp, naturforvaltning, kulturminne, frist for bygging og sanksjonar ved eventuelle brot på vilkåra.

Kva forventar NVE av høyringspartane?

NVE ønskjer mest mogleg konkrete synspunkt på om løyve bør bli gitt eller ikkje, val av eventuelle alternativ og forslag om avbøtande tiltak. Fråsegner om energipolitikken til styresmaktene på eit generelt grunnlag, er av avgrensa nytte i sakshandsaminga.

Særleg der søknader blir handsama i grupper, ønskjer NVE synspunkt på den samla belastninga.

Dersom partane er kjend med tilhøve som det ikkje er opplyst om i tilstrekkeleg grad i søknaden, ønskjer NVE opplysningar om det.

Det blir forventa at kommunar, fylkeskommunar, fylkesmenn og andre styresmakter gir fråsegn med utgangspunkt i sine høvesvise ansvarsområde. Kommunane blir spesielt bedne om å vurdere søknadane opp mot gjeldande arealplanstatus.

Fråsegnene, opplysningane i søknaden og retningslinene frå Olje- og energidepartementet er viktige for vurderinga og vedtaket til NVE.

Rett til motsegn og klage

Ein treng ikkje handsama energianlegg etter plan- og bygningslova, og det er ikkje lenger krav om reguleringsplan. For å ta vare på meininga bak motsegnsinstituttet i plan- og bygningslova, er det gitt reglar i energi- og vassdragslovgjevinga om rett til motsegn og klage, jf. vassressurslova § 24. NVE vil understreke at ei eventuell motsegn må bli fremja i høyringsperioden. Sjå nettstaden vår for meir informasjon: nve.no/konsesjoner.

Partane kan klage på NVE sitt vedtak til Olje- og energidepartementet innan 3 veker frå det tidspunkt dei mottok orientering om vedtak. NVE syner til kapittel VI i forvaltningslova om klage og omgjerding.

- KUNNGJERING -

Søknad om løyve til å bygge Valdra kraftverk i Etne kommune.

KAMBO Energi AS i samarbeid med grunneigarane søker om løyve etter vassressurslova til å byggje Valdra kraftverk i Valdraelva. Småkraftverket vil gje ein årleg kraftproduksjon på om lag 9 GWh. Dette svarar til straumbruken til om lag 450 husstandar.

Søknaden med vedlegg er lagt ut til offentleg ettersyn ved biblioteket i Skånevik, Etne Tinghus og på NVE sine nettsider www.nve.no/konsesjonssaker fram til høyringsfristen går ut. Om du ønskjer papirutgåve av søknaden, ta kontakt med Egil Kambo på tlf.: 905 95 821 eller e-post: egil@kambokraft.no. Fråsegn kan sendast oss elektronisk via www.nve.no/konsesjonssaker, per e-post til nve@nve.no eller per post til: NVE, Konsesjonsavdelinga, Postboks 5091 Majorstua, 0301 Oslo innan **4.9.2017**.